

四庫全書

史部

# 欽定四庫全書

史部

欽定重刻淳化閣帖釋文卷九

詳校官編修臣潘庭筠

編修臣程嘉謨覆勘

總校官檢討臣何思鈞

校對官中書臣徐步雲

膳錄監生臣李安國

欽定四庫全書

欽定重刻淳化閣帖釋文卷九

陳至唐人法帖

陳永陽王伯智書

舊列卷一第  
十九今移

熱甚汝習讀為勞吾疾劣遣不具伯智疏

謹案右一帖草書三行十六字

寒嚴比氣力何似僕疾劣甚情想遇今信音此不多陳

伯智疏

謹案右一帖草書四行二十四字

陳巴陵王叔慎書

舊列卷一第十八誤  
長沙王叔懷今移改

云須傲吾既不司此行極是園中梅始發既無工力治  
未花之與傲今付此不多叔慎答自足何用此花

謹案右一帖行書六行四十字

陳釋智永書

舊誤入王羲之帖  
列卷七今移出

承足下還來已久別欲參慰為染患不能得往問眷仰  
情深豈此委具乙兩日少可尋冀言展若因行李願存

故舊今遇賢弟還得數張紙勞動幸不怪耳謹此代申  
不具釋智永

謹案右一帖草書十行六十八字

隋釋智果書

舊列卷五第  
十一今移

梁武帝評書從漢末至梁有卅四人王僧虔書猶如揚

州王謝家子弟縱復不端正奕奕皆有一種風氣  
王子敬書如河朔少年皆充悅舉體皆拖而不可耐羊  
欣書似婢作夫人不堪位置而舉止羞澁終不似真阮

研書如貴胄失品次不復排突英賢王儀同書如晉安  
帝非不處尊位而都無神明殷均書如高麗人抗浪乃  
不有意氣而姿顏自乏精味徐淮南書如南崗士大夫  
徒尚風軌然不寒乞陶隱居書如吳興小兒形狀未成  
長而骨體甚峭快吳拖書如新亭傖父一往似揚州人  
共語、便態出柳產書如深山道士見人便欲退縮曹  
喜書如經論道士言不可絕

王右軍書字勢雄強如龍跳天門虎臥鳳閣故歷代寶

之永以為訓

蔡邕書骨氣洞達爽々如有神力程曠平書如鴻鵠弄  
翅頤頤布置初雲之見白日蕭思話書如舞女低腰仙  
人嘯樹李鎮東書如芙蓉之出水文彩如鏤金桓玄書  
如快馬入陣隨人屈曲豈須文譜范懷約真書有分草  
書無功故知簡牘非易皇象書如韻音繞梁孤飛獨舞  
孔琳之書如散花空中流徽自得李巖之書如鏤金素  
月屈玉自照薄紹之書如龍遊在霄繾綣可愛秦獄吏

程邈善大篆得罪始皇雲陽獄增減篆體志其名、其書目隸也

扶風曹喜後漢人不知其官善篆及隸篆等少異李斯見重一時耶鍾司徒書字有十二種意外巧妙絕倫多奇崔子玉書如危峰阻日孤松單枝邯鄲淳書應規入矩方圓乃成師宜官書如鵬翔未息翮、而自逝梁鵠書如龍威虎震劒拔弩張張伯英書如武帝愛道憑虛欲仙衛恒書如插花舞女援鏡笑春索靜書如飄風忽



舉鷺鳥乍飛鍾繇書如雲鶴遊天羣鴻戲海行間茂密  
實亦難過耶

謹案右帖五段行楷共四十九行五百六十

九字

唐秘書少監越州虞世南書

舊列卷四  
第九今移

世南聞大運不測天地兩平風俗相承帝基能厚道  
清三百鴻業六超君壽九霄命周成算元無之道自

古興明世南

謹案右一帖楷書五行四十五字今附錄

世南從去月廿七八率一兩日行左腳更痛遂不朝會  
至今未好亦得時向本省猶不入內冀少日望可自力  
脫降訪問願為奉答虞世南諮

謹案右一帖行草六行五十四字

賢兄處見臨樂毅論便是青過於藍欣忭無已數願學  
耳世南近臂痛廢書不堪覩縷也虞世南呈十三日遣  
書謹空得書為慰可言也

謹案右一帖行草八行五十二字

疲朽未有東顧之期唯增慨歎今因使人指申代面必得力也

謹案右一帖行草四行二十四字

鄭長官致問極真而三人恒不蕩、將如何故承後時有所異責

謹案右一帖行草三行二十六字

潘六云司未得近問莫耶數小奴等計不日當有狀來

謹案右一帖草書三行二十一字

唐太子率更令長沙歐陽詢書

舊列卷四第十但標率更令今移增

貞觀六年仲夏中旬初偶詣蘭菴猥辱見示諸家書徧得看尋可以頓醒滯思各甚嘉妙今昔孰為比肩至於興歎耳珍重因書此叙于其後渤海郡率更令歐陽詢記之

謹案右一帖行書七行六十七字

靜而思之勝事莫復過此氣力弱猶未愈吾君何當至

速附書必向饒定須寄信立具歐陽詢呈

謹案右一帖行草四行三十七字

五月中得足下書知道體平安吾氣力尚未能平復極  
欲知君等信息比憂散、不可具言不復歐陽詢頓  
首、

謹案右一帖行書五行四十四字

足下何當定返還人望示心曲永嘉書處定難以為其  
心也

謹案右一帖行書三行二十三字

比年守疾病無事絕心氣至於書處焉並昔時既言  
必求然顯數字豈能備矣須將示之十五日歐陽詢

謹案右一帖行楷五行四十字今附錄

吾自脚氣數發動竟末聽許此情何堪寄藥猶可得也

謹案右一帖行草三行二十一字

唐中書令錢唐褚遂良書

舊列卷四第八不  
紀時代今移增

潭府下濕不可多時深益憤頓况兼年暮諸何足言疾

患有增醫療無損朽草枯木安可嗟乎自離王畿親故  
阻越每思宿曩寧喻於心承汝立行可謦出言成軌遷  
居要職擢任雄臺聞之嘉聲增以羨慕更得汝狀重美  
吾誠因奏事間方便在意徙居此土深成要佳汝悉也  
五月八日舅遂良報薛八侍中前

謹案右一帖行書十二行一百十八字

家姪至承法師道體安居深以為慰耳復聞久棄塵滓  
與彌勒同龕一食清齋六時禪誦得果已來將無退轉

也奉別德爾踰卅載即日遂良鬚鬢盡白兼復近歲之  
間嬰茲草土鷓鴣之志觸緒生悲且以即日蒙恩驅使  
盡生報國塗路近止無由東帶西眺於邑悲罔更深因  
姪還州慘塞不次孤子褚遂良頓首和南

謹案右一帖行書十三行一百二十一字

山河阻絕星霜變移傷搖落之飄零感依々之柳塞烟  
霞桂月獨旅無歸折木葉以安心採薇蕪而長性魚龍  
起没人何異知者哉褚遂良述



謹案右一帖行楷五行五十四字

唐太子司議郎吳郡陸柬之書

舊列卷四第十六  
標東宮長史今移

改

近得告為慰上下無恙不得吳興近問懸心得藥書  
散勢耿々嘗也

謹案右一帖草書四行二十七字

唐廣平太守東海徐嶠之書

舊列卷四第十五標  
洺州刺史今移改

春首餘寒惟閣梨動止安隱弟子虛乏謬承榮寄蒙恩

獎擢授洺州一歲三遷自南徂北既近都邑忝竊彌深  
戰懼之情慙惶據便即祇命末由頂謁瞻望山門但增  
悽斷願珍重念、不宣弟子徐嶠和南

謹案右一帖行草八行七十八字

唐諫議大夫錢唐褚庭誨書

舊列卷四第  
十三今移

辭奉後不辱問實增馳係初寒惟動履休勝庭誨推前  
耳未由拜展悠、下情惟珍厚人信惠問通法師往謹  
附狀不宣謹狀

謹案右一帖行書五行四十八字

唐禮部尚書汾陰薛稷書

舊列卷四第十四  
標尚書郎今移改

孫權與介象論膾象以鰯魚為上權曰此出海中安可得象乃庭中作塼置水投以鈎餌不經食得鰯魚付廚

謹案右一帖行楷四行四十二字

唐北海太守江都李邕書

舊列卷四第十二  
但標名今移增

三數日晴頓熱若為自適也僕少理欲使小兒入京當從澧州去有書不示之諸公歎賽無九百之事當不復

爽也故使馳問不具李邕白十二日差無多事檢校來  
一言集耳通長孫五郎

謹案右一帖草書九行七十二字

唐將作少監趙郡李陽冰書

舊誤史籀李斯列卷  
五第四第五今移改

敬州裴易德系

謹案右一帖篆書二行六字

田疇耕耨為政期月而致法令使父子為鄒魯

謹案右一帖篆書四行十八字

唐校書郎廣平宋儋書

舊列卷五第七但標名又不按時代今移增並改

自一接拜情同弟兄沈吟緬懷固非小子之所勤及也  
策質前謝恐乖昔賢共弊之道晦事勿語且絕詩人匪  
報之實遲徊循軀俛未已殆將有辰矣足下多可不  
佐高情內含如筠斯清比蕙又暢儋不以感氣厚而修  
詐自廣不以撫已多而私頌作德未致力謝馳懷宣書  
何陳萬一也悚息今秋盡野外草木變衰長郊蕭條風  
物淒緊清都久客莫復相親足下退食公庭睡罷私室

櫛沐晞景收視解聽豈念歲華不待厭倦為旅之士哉  
頃者釀玉初令絃絲正調竟欲左攜鄭君幽指藥妙右  
對董叟高談道微情酣世忘浩去塵糝思足下能順試  
實其事為何如哉時聞真聲迴閒笙鶴此復異於人境  
耳可以息宴可以嘯歌久不間然期今日之事也倚候  
騎氣自豫光臨幸甚謹馳疏不得具宋儋白

謹案右一帖行草二十一行二百六十九字

閣帖署名有不考帖字而誤者陳書載巴陵王叔慎長沙王叔堅王著訛讀慎為懷妄附長沙封爵有不顧帖字而誤者代申帖明標智永而入之右軍卷內有贗古而誤者李斯書十八字乃李陽冰篆王密所撰河東裴公紀德碣之文而史籀書六字亦碑額中事顧以溷託周秦不值一噓有昧古而誤者宋儋當唐開元時有嵩山圭禪師等碑乃不紀時代上廁斯邈其失考實甚黃伯思秦觀樓鑰輩後先刊駁確有據依今悉於卷中改

正至智果書五段前後叙次參差大觀合為一通亦殊未當其書評或以為梁武或以為袁昂迄無定論考墨池編載武帝書評三十七人與此正同惟字句小異特首云三十四人而帖中重出曹喜鍾繇又增程邈實祇三十人耳其布字大小不倫或謂之子母體然古不經見且不應狂怪乃爾細翫書蹟真行草章無一不備其中複字筆勢略相似疑亦聖教序之類集書為之者若山河一帖乃集褚書枯樹賦字而成但別出星安性哉



四字而帖尾褚遂良述又集書者妄增因從右軍行成  
帖例移置河南簡末御識



釋文訂異

陳叔慎書極是二字從劉次莊釋顧從義云是字疑  
又園字與儼之儼皆摹失又叔慎從史考正顧作叔  
懷非

智永書別從姜夔釋一作子非顧從義作早又智永  
從劉次莊釋顧同邢侗云是智果非

智果書自乏從索昂評書訂正顧從義作足非又風  
軌亦從索訂按字書軌與範同姜夔及顧俱作軌非

又吳拖從顧釋王澍作施又經論之論言旁甚明顧  
作綸非又懷約從顧釋一作均非又志其名之志從  
姜夔釋顧作忠蓋因上畫右旁鉤摹連筆之誤又援  
鏡之鏡因避宋諱缺末一鉤大觀全又索靜顧云當  
作靖靜靖古通用

虞世南去月帖率從顧從義釋王澍云當是牽字體  
雖稍合而義不可解又兩日亦從顧釋或合兩日二  
字作曹非又望可從施宿釋顧作耳非 賢兄帖學

從顧從義釋劉次莊作孝非王澍云當作存而深辨  
草法與學不合備考又耳澍云當是之義亦通 東  
顧帖得力從王澍釋顧從義作公力或作卿力於文  
義皆不甚可解 鄭長官帖恒從顧從義釋劉次莊  
作垣非

歐陽詢蘭菴帖蘭菴上一字顧從義釋作諸義不可  
解按字體似詰而文義當是詣蓋鉤摹少失耳因釋  
作詣存考 靜思帖定須從劉次莊釋施宿作願顧

從義云當作頃又立具從顧釋劉次莊合二字作意  
足下帖何當從顧從義釋一作嘗

褚遂良潭府帖足言從劉次莊釋顧從義云當作去  
意於義難通又汝狀之狀從顧釋或作兆非又重美  
二字顧釋脫去 家姪帖彊即脩字從顧從義釋按  
脩本作儵一作彊誤 山河帖折從顧從義釋

徐嶠之書止從王澍釋云偶多一畫顧作正非

薛稷書餽鰠二字不載字書顧從義云二字一義恐

通用殊未必然按二字三國志俱作鯀音茲鯀鯀二字蓋作書時偶未經意之誤

李邕書欲使之使從顧從義釋鉤摹微誤按十二日以下似另一帖而帖末語又似未了者因無可考姑仍舊

李陽冰敷州帖敷從王澍釋顧從義云碧落碑有唐之唐正與此同但顧竟釋作唐亦自未可劉次莊作楊施宿作剔俱非

宋儋書且絕之絕從劉次莊釋顧從義云當作紀非  
又不得具從顧釋王澍云當是不復一一筆駛直下  
故有似得存考



乾隆三十四年歲在己

丑春二月奉

敕校正宋淳化閣帖初

榻模勒上石

謹案第九卷共二十八帖二百一十五行二千零二十四字

欽定重刻淳化閣帖釋文卷九

欽定四庫全書

欽定重刻淳化閣帖釋文卷十

唐人及無名氏法帖

唐左率府長史吳郡張旭書

舊列卷五第十六但標名今移增舊二

帖今歸入張芝四帖

足下晚復不知疾痛如何深極憂難比也上下安之必得發耶

謹案右一帖草書四行二十四字

得足下十五日問為慰僕前患差張旭書

謹案右一帖草書三行十六字

知汝殊愁且得還為佳也冠軍暫暢釋當不得極蹤可恨吾病來不辦行動潛不可耳

謹案右一帖草書六行三十三字

終年纏此當復何理耶且方有諸分張不知比去復得一會不講竟不竟可恨汝還當思更就理一昨遊悉誰同故數往虎丘不此甚蕭索祖希時面因行藥欲數處

看過還復共集散耳不見奴粗悉書云見左軍彌數論  
聽故也

謹案右一帖草書十六行八十七字

今欲歸復何適報之遣不知總散佳並侍郎耶言別事  
有及過謝憂勤

謹案右一帖草書五行二十七字

二月八日復得鄱陽等多時不耳為慰如何平安等人  
當與行不足不過彼與消息

謹案右一帖草書五行三十二字

唐太子少師京兆柳公權書

舊列卷四第十一標  
諫議大夫今移改

聖慈允許守官稍減罪責猶深憂懼續冀面言不一、  
誠懸呈卅弟處十四日敬空

謹案右一帖草書五行三十二字

伏審姊姊八月定發弟與廿八弟同從行遠聞不勝抃  
躍今日元七來望弟速到極也願在路諮聞不停滯幸  
甚未即展豁尚增恨、不一、公權呈廿三弟廿六弟

廿八弟卅弟處卅一弟意不殊前要小楷後使送往空  
謹案右一帖行草十行八十四字

奉榮示承已上訖惟增慶悅下情但多欣愜垂情問以  
所要悚荷難任儻有赤箭時寄及三五兩以扶哀病便  
是厚惠不具公權狀白

謹案右一帖行書六行五十一字

至十六日專到崇賢惟昭察謹狀十五日公權狀

謹案右一帖楷書二行十九字今附錄

辱問卻送及碑本兼虛獎逾涯但深反側因見趙張如  
虛獎之說為緣飾也幸甚不具公權呈

謹案右一帖行書六行三十六字

唐釋懷素書

舊列卷五第  
十五今移

右軍云吾真書過鍾而草故不減張僕以為真不如鍾  
草不及張所為世之所重以其能懷素書之不足以為  
道其言當不虛也

謹案右一帖草書七行四十九字



無名氏書

第一第二兩帖舊列卷五標何氏書第三第四第五第六第七第八六帖舊俱

列卷五標古法帖第九帖舊列卷十第十帖舊列卷九第十一帖舊列卷十俱誤標王獻之書今並

移改又古法帖內有兩帖與獻之書複今存其一刪彼卷重出者其一則刪此而存彼

投老殘年西崦已逼恒慮儵忽歸骸元壤溘爾冥滅竟  
不一言以此在懷預為其備於茲路惟有憑心他餘不  
能有益年將八十可以意求欲望長存何可得也道大  
難俗情見善從善如登見惡行惡如崩必須策怠惰勤  
精進愛日惜力乃可獲耳吞聲飲氣不勞頓尔他便生

異議速自詳答取竟勿滯留也十六日

謹案右一帖行草十三行一百二十字

去留深情故當取爾餘散輩停歲積故切思歸三月下旬還非賒冀叙不遙南路行乃寂絕傷心

謹案右一帖草書五行三十七字

知賢弟至舍晚寒想顧之傷歎遂尔永惟痛壽春富陽范道長體氣以小勝前日得此暑大都尋常新婦書寄物示諸人散騎二君何時還兄子皆佳能數為也

謹案右一帖行草八行六十一字

既移屋近西墻微援裏地成大寬援裏起小三架如步廊政可一丈梁得使二家通出入作門閣也此屋之東故應作牆直步廊一壁太單空園中彌宜移三間屋故當不甚難重複粗畫圖如別耳

謹案右一帖行草十一行七十五字

足下既有意適閑曠亦當忘暑耶遊矚疎數慰對者卿少吾今年病垂了始小差大小今床疾惛忽移日耳每

、深望遠言慰尚賒慨然元昌寄與音介勿、書復既  
與直人理畧絕何緣復有周旋理長史斷闊亦不減卿  
唯公事時相瞻望耳吾面信遂至今不著不可解計至  
故應必有香但不知好惡云何耳須得

謹案右一帖草書十七行一百二十字

敬祖日夕還山陰與嚴使知聞頗多歲月今屬天寒擬  
適遠為當奈何奈何尔豈不令念姊遠路不能追求耳  
謹案右一帖行草五行四十二字

孤不度德量力欲俟義於天下而措術淺短遂至昌蹶  
然至於今日志猶不息君謂計將安出

謹案右一帖章草五行三十六字

亮曰董卓已來豪傑並起跨州連郡不可勝數曹操比  
於袁紹則名微而衆寡故能尅紹以弱為強今日擁百  
萬之衆協挾天子而令諸侯誠能不可與爭鋒也

謹案右一帖章草八行六十一字

孫權據有江東以歷三世國險而民附賢能為用斯可

與為援而不可圖也益州天府之地高祖因之以成帝業荊州北據漢河利盡南海西連巴蜀東通吳會此用武之國而其不能治天所以資將軍將軍既是帝室之胄信義著於四海來之大國誠難至也

謹案右一帖章草十行九十九字

元度時往來以此為慰興公使適還數日具都下問人情所憂良可歎息諸吳數問齡前來經日極為差云仁祖欲請為軍司不知行不

謹案右一帖草書八行五十二字

元度何來遲深令人憂懸耶常復有理因祠監多感足  
下事甚善然所造極難想足下每思先後卿豈須言親  
不已意耳安石停此過半日猶得一宿何物喻之一  
十當浦送近道所以致歎陽諸懷兒不可言且不復得  
卿送有諸歎今此奕上道

謹案右一帖草書十三行九十四字





淳化四年四月二十八日當直中使就院賜御札八  
分千字文一卷法帖一十卷受恩如是激節可知乙  
卯閏六月十四日太一宮齊晚臨南軒看

謹案右跋行楷四行五十六字行間押公高  
之裔印

蘇氏家藏子容題

謹案右題行書一行七字

右法帖十卷得於吳興蘇氏乃元祐丞相魏公家第

八卷後用公高之裔印蓋言畢公高之後也余假守  
濡須郡齋刊魏公譚訓內載公於相國寺得畢文簡  
賜本閣帖甚奇且云文簡以曷書斥遠祖名未中禮  
因考實錄淳化二年文簡自考功郎拜學士四年五  
月出知昇州然則乃文簡在翰苑時所賜也李洪德  
秀謹題

謹案右題楷書七行一百二十三字前押晚  
翠堂印末押李氏叔固李氏家藏二印

宋搨第一真蹟

丙戌王鐸  
薛所藏

同觀北海孫奉常家藏

謹案右題二行二十二字首六字隸書餘行

書上有晉府書畫之印下有北海孫氏珍藏

書畫印

蘇公名頌丹陽人祖居泉州南安父紳葬丹陽因家  
焉元祐中拜相史稱其器局闊遠雖貴奉養如寒士  
嘗於相國寺得畢文簡公賜本閣帖載所著譚訓中  
後題蘇氏家藏子容題筆法大似眉山丁酉正月十

四日記

謹案右跋行楷六行八十三字末押北平孫

澤退翁二印

張旭前二帖姜夔謂其非贗亦非合作論最平允大觀  
合為一帖標作隋僧智永豈未審帖尾旭自書名耶後  
二帖舊誤作張芝其筆勢縱逸是長史而非伯英因從  
米芾說更定公權聖慈帖人以其末署誠懸而不名多  
疑其偽伯思據右軍敬謝帖自稱逸少以證之況此乃  
與其弟書固不妨以字行耳閣帖第五卷一標何氏書  
兩標古法帖何氏猶言何人長睿之說極當古法帖則  
本逸其名因改標無名氏書以殿全編黃以投老二帖

類歐陽詢姜以賢弟帖類王獻之米以移屋二帖類羊  
欣皆出臆說未可泥從也敬祖鄱陽二帖複見子敬書  
鄱陽帖當屬之大令因刪此以就彼敬祖乃王導子武  
岡侯協非子敬同時與元度兩帖正相似曷若闕疑之  
為愈乎孤不度德量力以下三帖皆諸葛亮傳中語章  
草並同顧或作古帖或標獻之尤為失考今悉訂正歸  
一其畢士安識語為茲帖權輿蘇頌李洪王鐸孫承澤  
諸題跋亦源流可溯並命摹勒帖後用示傳信御識

初搨曾經賜文簡流傳七百七旬年無雙善本教重泐  
有數吉光幸獨全並弄書軒茲數典非關治道彼稱賢  
由今視昔徒佳話義具蘭亭序一篇

重摹淳化閣帖成因並弄畢士安原本於淳化軒詩  
以誌事壬辰夏御筆





文軒題榜因名帖石墨鐫華勝昔年

鑑古一空流派溷

淳化帖後惟大觀刻本最佳然考訂不精不詳而鈎摹亦稍失古意

他若絳帖潭帖鼎帖之類支派益岐流傳更無善本此帖頒行衆榻當如燭火之息矣

訂謠都奉

品評全

王著排次標題訛誤不可俟數今悉經訂正並於每冊後各繫御識舉示大概

憾無毫髮超淳化信有權輿賜集賢

今所摹刻宋榻初本

乃畢士安為翰林學士時得賜者

榮甚陳劉事音釋

宋陳與義雖奉勅校

釋閣帖未得鐫石並傳其後劉次莊輩各有釋文皆自著專行亦非官本臣今承命音釋

附列帖中  
實為榮幸

祇慚未熟  
佩觿篇

臣  
于敏中恭和

釋文訂異

張旭晚復帖復從顧從義釋劉次莊姜夔俱作後

十五日帖前字畫旁多一曲疑是鉤摹之失 冠軍

帖辨從姜夔顧從義釋辨當作辨古通又不可從姜

釋大觀合二字作處字義雖較優但筆蹤牽附增改

究失本真不若仍從其舊顧謂是王著誤摹王澍謂

著本摹作潛處後人以紙幅短妄分存以備考 終

年帖復從姜夔釋有作治字者非又比去從顧從義

釋姜作以去又講竟不竟俱從施宿釋姜作忘顧作  
意俱難通又一昨從姜釋顧云一本合二字作所似  
於草法未合又數處下空顧云不能容看字故提頭  
又彌數從顧釋王澍作彌若存參 欲歸帖遣從顧  
從義釋姜夔作追字體不類又不知亦從顧釋姜作  
不具又佳並從姜釋劉次莊釋同顧釋作往佳且以  
為劉闕釋俱非又勤字似勒王澍云是筆駛少一折  
論似確

柳公權聖慈帖敬空顧從義作問王澍謂空字失下  
半說較合從之 伏審帖元七從顧從義釋一作元  
叔非又展豁從朱家標釋顧作割非又恨、從顧釋  
按玉篇悵、惆悵也或作恨、非又後使從劉次莊  
釋顧云後當作復使一作便俱非又帖末一字朱家  
標釋作耶顧云一作言體皆不類王澍以為當是空  
字云唐宋人書帖多有之其說為長因從之

無名氏書投老帖策從姜夔釋顧從義作榮非又不

勞亦從姜釋顧作身非又取竟亦從姜釋草體應如此顧以為疑何耶又他亦從姜釋陳與義作地非

去留帖取爾從王澍釋草法較合劉次莊姜夔釋作所又思歸從姜釋顧從義作忽歸非晚寒帖以從

姜夔釋以與已古通王澍云當是似字筆駛省一折存考又兄子亦從姜釋顧從義云兄一作允非移

屋帖牆考字書同薔薇之薔姜夔釋作牆非又援姜云與園同顧從義訓作欄王澍以本帖下園字正作

園此援字當如顧解按欄為階際句欄及牡丹芍藥  
稱欄之類其內安得有餘地起屋考毛詩鄭風疏園  
者圃之蕃齊風疏樊圃之樊訓為藩爾雅釋言疏圃  
外藩籬謂之園而周禮太宰疏亦有園其藩也之訓  
是援與園同正當作藩籬解下文園字乃同義而體  
互見毋庸拘泥也且謝靈運田南樹園激流植援詩  
有插槿當列墉句更可為援即籬之證又直從施宿  
釋劉次莊作宜非又空從姜釋顧悞作恐又畫從姜

釋劉作畫一作畫俱非 閑曠帖忘暑從姜夔釋劉  
次莊作惡暑非又慰對從顧從義釋姜作至又者卿  
者從王澍釋卿從姜釋又垂下一字澍作了劉姜俱  
作耳施宿云與下文耳字草法異似澍說為長從之  
又今床今從姜釋床從澍釋姜釋作度草法不類劉  
釋作會使可疑又每々從劉姜釋施作每日非又昌  
寄與音介昌從施釋劉作過寄與從劉釋姜以昌寄  
與三字作日具問可令五字顧作昌之問可令音介



亦從劉釋音顧作晉介一作分俱存考又勿々從姜  
釋姜据顏氏家訓引說文云忿遽者稱勿々又引祭  
義注勿々猶勉々也或作忽々又作忽々皆不及姜  
訓之合又與直與從劉釋姜作即直從姜釋劉作宜  
又略絕從劉姜釋施作略紀非又面信從劉釋姜作  
面促又須得從劉姜釋米芾云當作欣白與上一帖  
皆羊欣書按帖卷八內即有羊欣書其結體及署名  
與此皆不類未足為羊書之据惟須得二字語意未

了其下或尚有脫簡蓋此帖難考處甚多或筆駛未完或鉤摹稍失其諸家互異者皆未能確切可信不得不存疑俟考耳 敬祖帖使知從劉次莊釋顧從義云唐摹一本作君文義為優而草法不合 度德帖俟從姜夔釋顧從義因史文作信遂以俟為古伸字非又措術諸釋皆同史作智術又君謂亦從姜釋顧作若 亮曰帖曰從姜夔釋史文正同劉次莊施宿作白非又桀與傑同此字鉤摹有缺又素紹從劉

姜釋顧從義作表雖字體相合與史文異豈表謂劉  
表作書者別有據耶存考又協從劉釋史文無此字  
或是筆誤衍文又與從史文及姜釋劉作久非又峰  
從顧釋施云與鋒通用江東帖以歷之以與已通  
又盡從劉次莊釋一作逮又西連帖作武用武帖作  
連俱有史文可據蓋摹刻時倒置也又著從劉釋玩  
字體類若但與史文不合未可改易來之大國八字  
諸葛傳所無王澍以為亦如帖首七月二日獻之白

七字俱妄人所加但此句無甚關鍵仍存其舊 往  
來帖諸吳從陳與義釋劉次莊作從 來遲帖令從  
顧從義釋劉次莊作足又常復從王澍釋顧作當謂  
又卿從黃諫釋顧作公非又半日從劉釋黃作已又  
喻亦從劉釋顧疑作呱非又一十亦從劉釋字畫雖  
似而義難曉顧合作早亦非又送從顧釋黃作道又  
近亦從劉釋施宿作迎非又歎亦從劉釋黃作鄭澍  
從之疑是邑旁少折又奕從黃釋顧作貪亦不甚合

此帖字體可疑文義難解者頗多或當時排次脫訛  
或上石鈎摹舛缺俱無可考證姑就諸家音釋中擇  
其近似者錄之仍識以存疑





乾隆三十四年歲在己

丑春二月奉

敕校正宋淳化閣帖初

搨模勒上石

謹案第十卷共二十二帖一  
百七十八行一千二百八十  
七字

欽定重刻淳化閣帖釋文卷十



淳化閣帖自唐以上名書大備昔人稱其精神  
完足撫勒逼真為諸家法帖之冠顧初搨傳世  
絕艷而後來翻刻支派紛岐去之愈遠大觀帖  
世所推許而孫承澤尚謂遜淳化樸氣他無論  
矣至若初本之為石為木論者斷斷莫定考王  
應麟玉海云淳化初求先賢墨蹟為法帖十卷  
命工勒石與帖尾所識上石者正合夫曰上石  
則非木板可知人或泥於歐陽修集古錄鏤板

語轉相傳會若棗木板銀錠櫟之說不一而足  
甚而趙孟頫以為題曰上石其實木也云云尤  
鑿於理復何庸深辨乎又太平興國時因詔搜  
訪圖書諸州各有所獻而昇州則獻王羲之獻  
之及桓溫等十八家石版書迹此帖未嘗不有  
所取資好奇者遂以南唐昇元帖為淳化祖刻  
抑亦鑿矣我

皇上宵旰幾餘時親翰墨於古今諸大家臨倣都徧

蒼美集成嘗輯

石渠珍秘鐫列貞珉

嘉惠來學三希墨妙兩帖海內夙已奉若球璧茲以  
淳化閣帖日久湮晦而

內府舊藏賜畢士安本搨法佳妙蘇頌李洪諸跋  
亦徵而可信王鐸定為宋搨第一顧人罕得觀  
也爰

命臣等排校選匠重鉤鐫摹不爽秒黍又以王著昧

於考古舛謬滋繁米芾黃伯思輩糾而未改大  
觀刻本訂而不詳重為名帖之累並

勅臣等審勘參稽旁及音釋每一卷成

上加以折衷次第評隲識諸冊後於凡體例世次名  
系爵里以及誤編複出之陋悉為辨改犁然各  
當工始於乾隆庚寅春二月迄今壬辰夏四月  
告藏並仿宋搨法得四百部用廣流傳於是七  
百餘年之名蹟重復舊觀而精覈則勝於曩昔

又以多而足珍操觚者咸得仰星雲之麗誠萬  
世士林之幸而因帖

名軒構廊列石亦淳化刻本之幸

臣等獲以編校

微勞綴名簡末尤詞臣稽古之榮幸云

臣于敏

中臣王際華臣表曰修恭跋

欽定四庫全書

跋

臣謹案集帖至宋始盛如雪溪寶晉漱堂秘閣  
諸名傳者絕尠獨淳化祖刻自南唐昇元帖而  
後鐫集最為美富當宋太宗時侍書成都王著  
名在周越右尤善雙鉤能斂真本相傳智永千  
文其所補小字樂毅論即其所書也下此則蔡  
京所摹大觀帖姿媚稍多古意寢失遠不逮矣  
顧王著工於仿古昧於察書編次既繁所在舛  
陋當時米芾黃長睿秦觀各有專書以糾其失

其他見於古今詩文及說部筆記者指摘不勝枚舉我

皇上幾餘游藝時及臨池集字學之大成訂書流之盤錯前此三希堂墨妙軒二帖石渠所輯悉以津逮藝林茲復取

內府所藏閣帖遴其初搨最精者為淳化四年賜畢士安本選工摹勒俾還舊觀

特命內廷諸臣于敏中等詳加考正



欽定諸家世次分識卷端史論書評相為表裏其有  
闕疑悉令仍之並

勅蒐採諸家釋文依字旁注一一析其異同折中至  
當用嘉惠海內操觚之士刻成砌石於長春園  
之含經堂後修廊蜿蜒羅列球琳適如其數復  
親灑帝鴻之墨製為淳化軒記發明因帖命名之意  
而於上法唐虞化成天下諄々三致意焉一翰  
墨之考稽而法戒昭然

金史卷八十八  
大聖人即藝見道之深衷有默契乎義畫禹書之表  
者矣臣以祝

嘏來京蒙

恩頒示仰見我

皇上闡微往蹟則篆真並列發矇承學斯鉤趯不遺

若卷首降晉宣帝洎會稽王於臣列春秋大旨

凜然至鑒裁之精摹勒之妙萬世學書者所當

奉為繩尺臣無庸贅一辭焉臣林栖耄齒樂觀

厥成得挂名於石曷勝榮幸之至臣錢陳羣拜  
手稽首恭跋



總理

和碩誠親王臣允祜

多羅履郡王臣永瑛

排類

經筵講官太子太保協辦大學士戶部尚書臣于敏中

經筵講官禮部尚書臣王際華

經筵講官工部尚書兼管順天府府尹臣裘曰修

刑部左侍郎臣錢維城

校對

內閣學士兼禮部侍郎

臣王杰

日講起居注官詹事府少詹事

臣彭元瑞

日講起居注官右春坊右庶子

臣曹文植

日講起居注官翰林院侍讀

臣金士松

日講起居注官翰林院侍讀

臣董誥

日講起居注官翰林院侍講

臣沈初

廣西道監察御史

臣陳孝泳

監造

內務府廣儲司總管六庫事務郎中臣六十九

會計司主事臣積福

鈎刻

恩賜鴻臚寺序班小臣常福

小臣瑪色

小臣德福

小臣四達塞

小臣  
德壽

小臣  
黎國傑

小臣  
趕生

小臣  
德魁

小臣  
常壽



臣伏見我

皇上幾餘鑒古重訂淳化閣帖詳加考釋正其謬誤  
於標名排類則見

義例之正於去取釋注則見

折中之審允宜勒為成書登之四庫且俾承學之士  
未能仰窺搨本者亦得粗悉崖畧臣因按次恭  
錄仍為十卷每帖各識某體幾行若干字一條  
以補向來釋帖家所未備其有本屬楷書

釋文所不及者亦錄其本文庶一展卷而可得是帖之全以為藝林之助並恭摹

宸翰四大字仍冠簡端而於

御筆諭旨記跋等篇並用聚珍版排印從諸書御筆例也

乾隆丙申年仲夏月朔臣金簡恭跋